

遷江縣志

民國廿四年秋

梁瀚意題



AM 340.159
42
部 =

江縣志



922.9
523

續修遷江縣志序



一縣之志其所紀載雖限於一隅而疆域之沿革關隘之險夷風俗之淳澆物產之豐嗇戶口之息耗皆與民生國計息息相關若夫因革損益之宜治亂盛衰之故上稽前古下逮今茲彰往察來尤敷政布化者所當考鏡不惟紀一方之文獻昭一代之典章而遂已也昔者晉楚之書同乎魯史郡縣之志肇自元和其後方志撰述接踵而興或藉羣彥之力或成一家之言要皆遠紹旁搜蕪成信史是以各縣之志爲各省通志所徵信而各省通志又爲國史所取裁清儒章實齋有言制度由上而下采摭由下而上采摭備斯制度愈精惟分者極其詳然後合者能擇善而無憾也章氏創州縣特立志科之議凡足供志材者擇人典之積之既久則訪能文學而通史裁者筆削以爲成書惜當時無采用其說者官府困於吏事咕嗶之儒私人之力又不足以成之史才難萃舊籍多湮修志之難蓋不自今日始矣廣西之縣近百有縣志者僅得其半且多歷年久遠近事弗詳遷江縣舊志成於清光緒十七年爲清遷江知縣貴筑顏君嗣徽所撰其書蓋仿鄭小谷象州志例而稍廣之安陽馬玉山稱其簡括確實洵非虛語今距顏君撰志時又四十餘年矣歲久事增風會亦異衆縣長祥品韋縣長可德先後蒞遷江集合士紳續修縣志援省志綱目例區爲十編凡舊志所具者義所弗芟仍而勿改其事跡在舊志後或在其前而例當補入者部別

州居各從其類壹以無遺無濫爲歸雖義例當否文字高下有待於海內賢達之評騭而黎韋兩君與在事諸賢訂墜拾遺以俟來者其勞固不可泯也書將付刊遂泚筆而爲之序

中華民國二十四年九月 廣西省政府主席 黃旭初

遷江縣志序

遷江縣長韋可德續修縣志既成郵稿索序於余余讀其例分地理社會政治經濟前事文化宦績列傳古蹟雜記十編蓋仿自廣西省志依其縣事繁簡有無而稍稍損益者也雖視舊志三表十畧爲尤簡而於前所紀述者靡弗賅且於社會經濟諸編如農佃勞工生產分配諸端加詳備焉此雖今昔世異今之所著者恒爲昔之所畧忽然前後作者之旨固可於是窺之矣昔司馬遷作貨殖游俠列傳班固十志亦列食貨一門固已稍涉社會經濟之藩章實齋以方志爲國史要刪舉周制外史掌四方之志於鄉遂都鄙之間山川風俗物產人倫鉅細無遺而斷言盈大地事物胥入於史是則古人作史固未嘗限於政教典禮官師人物也明矣美人班茲著新史學與社會科學一書極言歷史之任務爲以最大之準確探討社會過去之整個史蹟及其造成社會之各個動力而舉斯賓塞爾之言以證過去史學專作政治記述歷史傳奇之無當夫社會意識經濟關係雖不必如費巴爾赫馬克司輩之說爲一切歷史文化之源然爲社會動力之一則固無庸致疑以整個社會實蹟之紀錄而乃徒撮其形貌遺其精神此則政治傳奇派之所爲衰歇而新史學之所由興起也韋君宿治農學有聲於時今其作志首標志乘所以誌人羣生活性能之義而備述社會農工勞動貨殖諸問題亦頗與班茲新史之旨相符雖新史須備政治經濟文


哲社會諸科之學今之遷志或尙未足以語此然舉是以爲大輅之推輪則繼今有作吾將知其必有合也昔班孟堅謂農家者流蓋出於農稷之官播百穀勸耕桑以足衣食其徒許行陳相至欲君臣併耕養殮而治今韋君亦捨省技正而宦小邑作志垂而尙農工豈亦陳評之流亞歟吾觀其文吾有以窺其志矣韋君勉乎哉吾黨方懸是以爲必至之鵠吾將拭目以俟之矣

廣西省政府民政廳廳長雷 殷

序

事貴創造而賤沿襲文字亦然儻不能適新時代思想與創此地方新局面無甯弗爲也遷江爲吾桂名邑縣長韋君可德編邑志乞序予閱其概略知其能實事求是爲民衆創造一新生活者也吾省領袖已揭櫫三自三寓政策昭示於大衆並頒布建設綱領以爲施政準則故予依據此旨並用杜威博士教育卽生活之言定教育方針爲生產教育與愛國教育亦思所以副當局建設之意而創造一新廣西也韋縣長果能以民衆生活爲政教中心則遷江農產有河里北泗之嘉穀礦有陶鄧鄉之鐵北泗鄉之煤山有桐柚之林水有鯉蚌之產庶之富之教之亦何難創造一新遷江也近來政教合一而政治之真諦尤以教導民衆能自治爲極軌昔柳子厚送薛存義序曰吏於土者民之役深合公僕之義予卽借其言與韋縣長共勉之至於志之如何固不必康對山之手筆與鄭小谷之沿襲也

廣西省政府教育廳廳長雷沛鴻謹序



東江圖書

六

續修遷江縣志序

縣之有志猶國之有史所以誌人羣生活狀況性能之經歷及進化之程序而資後先之比較觀研以供解決人類生存問題之一種紀載也遷江爲嶺嶠邊地迨宋天禧朝始有今名向無志清光緒十七年顏令義宣從事編撰方有志厥後歷四十餘年無修編者至民國二十三年七月黎縣長祥品始呈奉核准組織成立遷江修志委員會從事編修照案以縣長爲委員長邑士劉宗堯李可嘉霍作城黎本玉覃英武劉興業等六人爲委員並聘各鄉采輯員以司材料之采集未幾黎縣長升調岑溪可德奉委九月到縣感已往人文情狀之未諳風土習慣之不熟復覺遷江縣志失修已久尤以層憲及各處迭函索志以資參考可德益知遷江縣志之修輯刻不容緩爰是召集各委員會議並函催各鄉采輯員增設書記限期完竣訂定辦公時間編撰由各委員負責材料由采輯員担任並將奉准之遷江縣修志綱目印發各委員及采輯員依照綱目盡量采集材料送會以資編輯各委雖多屬兼職然均能格外熱心工作計自二十四年一月起至三月稿始齊四月稿始脫復經召集各委員開會三次詳加審查至五月稿始定內容悉照修志綱目分爲地理社會政治經濟紀事文化宦績列傳古蹟雜記共十編光緒十七年以前之事跡多仍舊志以後則根據檔案及各鄉采輯員之來稿以爲編撰故是志堪稱詳盡明確是亦各員熱


心認真從事之結果也可總不敏不會爲文因參與其事謹將修輯是志之始末筆而述之俾後人循是以得知居是地生活各種之過程從而益加努力以求進步則幸甚焉時

中華民國二十四年六月 橫縣 韋可德謹序

續修遷江縣志序

嘗聞父老之言曰遷江爲嶺嶠邊地苗獠雜處之區隸屬中土最晚然其中之山川風物亦有自可紀者在惟官斯土者以治理紛繁未遑列舉而筆諸於書故紀載缺如迨清光緒間顏令嗣徽恐長此往掌故失傳乃乘政簡刑清之餘將邑中之所應紀者悉載之於書修成縣志四卷余欲得而觀之也久矣然而粹不可得心常快快民國二十一年重以廣西省修志局遷江縣采輯員之關係復極力搜求務期必得而後已既得則已卷濫篇殘難恣披覽欲請重印以力微不果只得暫藏及甲戌春黎前任祥品有照案設會續修之舉斯時余亦被爲會中委員之一即出之篋中供會參考并欲於最短期間修成付梓嗣以會章方案采輯程序之請定動需時日未克遽然從事延至乙亥年春時無可緩始偕各委集會開始編輯旬餘後復以烏私情切將原任縣府本兼各職辭退回里待養藉以藏拙詎行旌甫卸而韋縣長之召諭旋來諄諄以義務當盡見責余感其誠且恐舊志湮沒負顏令當年創修之苦心及黎前任提倡續修之盛舉因不揣固陋勉竭棉薄協同各委照案分編不分晝夜兩易蟾圓始告脫稿其中事實悉照舊志及委員暨各采輯員之所紀而體例則遵奉准方案以編成茲值付梓謹綴數行以成續貂之誚云是爲序

中華民國二十四年歲次乙亥夏五月 劉宗堯 謹叙



1954

10

續修遷江縣志銜名

總督修

廣西省政府主席

督修

廣西民政廳長

廣西教育廳長

廣西南寧區行政監督

監修委員長

卸遷江縣縣長

遷江縣縣長

總編委員

前任遷江縣教育局局長

彙編委員



黃旭初

雷殷

雷沛鴻

梁瀚嵩

黎祥品

韋可德

劉宗堯

前兩任遷江縣縣長

前任遷江縣民團副司令

前清附生

前任遷江縣督學

前任遷江縣立小學校長

繕校

前任遷江縣立第一初級小學校長

繪圖

遷江縣政府第四科科員

采輯員

前任遷江縣自治籌備委員

前任遷江縣農林研究會會長

前任遷江縣立高等小學校教員

李可嘉

黎本玉

霍作城

覃英武

劉興業

劉士傑

韋守蔚

王鎮東

蕭惠民

黃汝謀

七洞鄉公立中心國民基礎學校教員

前清廩生

石牌鄉公立中心國民基礎學校校長

前任遷江縣自治會籌備委員

前任大里鄉公立中心國民基礎學校校長

陶鄧鄉公立中心國民基礎學校校長

前任遷江縣立第五小學校校長

前任韋里鄉鄉長

三寨鄉公立中心國民基礎學校校長

三寨鄉鄉長

前清附生

前任遷江縣立第八小學校校長

前任西三區團局局董

前任北泗鄉鄉長

吳尙志

韋繡冕

石華明

陸芳椿

陳作榮

張疆

韋光輝

王政新

覃金聲

潘洞春

藍生榮

李茂益

周之才

黃鑑輝

古蓮鄉公立中心國民基礎學校教員

前任遷江縣督學

前任遷江縣第四學區教育委員

前任溯河鄉副鄉長

溯社鄉公立中心國民基礎學校校長

前任溯河鄉副鄉長

凌爾孝

區子輝

曾日長

譚家齊

羅應龍

羅英

遷江縣志凡例

一 縣志始於清光緒十七年知縣顏嗣徽創修四卷版藏桂林書局自屢經變亂之後片版無存搜諸邑中僅獲殘書一部今所修者對於光緒十七年以前事實皆依據舊志所載其有未合時代性者畧爲刪去各編所紀均遵照呈奉核准方案分別紀錄至光緒十七年以後掌故其應增者亦查方案各條編入以符定案

一 縣志舊分爲十六門茲分爲十編仍亦簡仍求簡之意如舊載有關於地理者皆編入地理一編以清眉目餘倣此惟舊志各門之後顏令綴以望眉詞章茲悉檢出編入文藝一項以免參差但其有關該類之文詞者則仍附錄該類之後以便考核

一 舊志祇有縣畧圖一幅縣城圖一幅舊縣署圖一幅茲因沿革關係分別另繪新圖三幅增入以見今昔事勢之殊而便瀏覽

一 舊志載文廟祇及鼎建暨重建年月而於先賢先儒禮器儀注均付缺如茲恐代遠年湮邑偏書少後來有志之士考證未易有失前代尊崇之典且亦未由激發特爲編入明備則尙未也

一 縣志第六編原訂有哲學科文學藝術著述各項嗣以各方調查無徵無從紀載決議改爲文藝一

項以括之雖與方案畧異而實囿於現尙無該各項事實不得不爾也然此項之改設亦祇錄舊志所載之秦密望眉凌氏昆季諸作其他與邑之歷史上風化上無關係者均經議決擱置存卷

一 列女傳一項現所紀者純由舊志編出其他非經前代現代明令褒揚有案可稽者決議不錄以昭覈實

一 縣志遵限於兩月內脫稿時間既不經濟調查自必難周掛漏之愆知所不免讀者諒之